

明

詩

紀

事

明詩紀事

貴陽陳田輯

戊錄

華察二十一首

察字子潛無錫人嘉靖丙戌進士選庶吉士改戶部
主事厯兵部郎中復改翰林修撰賜一品服使朝鮮
尋罷歸起原官厯侍讀學士掌南院事有嚴居稿八

卷

秦泉集鴻山詩追踪陶杜卓然大雅
遵嚴集華君詩洒然自立於塵壘之表意象超越音
奏淒清若木居草茹服食導鍊淪隱聲迹者之所爲
言非世人諦也
藝苑卮言華子潛詩如磐石疏林清溪短棹雖在秋
冬之際不廢楓橘

龔用卿雲閣稿華子巖居稿沖淡閒曠如秋水芙蓉
不事雕飾步驟陶韋而得其自在

明詩選陳臥子曰子潛清儉似茅茨下人
田按子音出使朝鮮有皇華集詩不足存惟巖居一
稿五言最勝有柴桑遺韻以此知存詩不在多也

懷閔宮諭

伊昔託明義盍簪從北扉久要重南金歲晚期同歸如何鑠
眾口中路忽分違鄙夫昧出處達士能先幾養疴識遵晦戒
寵知防微嵯峨道場山白雲朝夕飛室遠人自邇莫使音塵

稀

過煙水莊

垂楊陰平田湖畔多畜畜茫茫煙水中結茆成隱居閒門閉
白日密竹臨清渠行隨溪上雲倦枕牀頭書客至時命酒興

來兼捕魚願言託幽迹卒歲同樵漁

晚晴泛舟

載酒隨輕流演漾情未已夕陽映前川棹入微茫裏散髮弄
煙波羈比鳴夷子沙際暝色來歸楫還自理何處滄浪歌因
之一洗耳

送俞汝成遷紹興貳守

一官謫南楚三載始得遷積薪豈足歎養晦有固然竭來佐
會稽境中秀山川八月錢塘潮送君江上船艤宇倚絕巘蒼
翠生櫓前嵯峨越王臺日夕空雲煙臥治饒化理登臨富詩
篇吾將探禹穴藉此東道賢

澄觀樓曉坐和僅初韻

曉色澄秋林霞明映山翠貪奇事夙興爽氣醒殘醉空霜日
夜繁坐見木葉瘁天高宿霧收白雲出平地初日照重巖寒
流響虛隧景物清心魂冷然起遐致

雨後山園卽事和僅初韻

山色曉微霽山鳩鳴不已雨氣積重林巖陰木生耳荷鋤歷
中園閒畦看新水翠峰對草堂白雲滿窗几因茲避世心悟
彼蒼生理萬物皆自然至人貴無已

週環谷草堂

采藥到仙家白雲滿空谷羣峰環四面蒼翠常在目一徑何
逶迤頹垣見修竹岩扉白日局隱几睡方熟有時學灌畦抱
藜蔭喬木悠悠林壑間俯仰聊自足

姚山人茶夢閣

山人恥獨醒啜茗亦自醉清風敞高閣隱几頹然睡平生在
苦吟冥想入寤寐殷勤夢裏言款曲詩中事神超萬象融意
愜情景備松陰泣山鬼夜靜猿鳥避天籟本希聲筌蹤一何
贊悠悠池草心千秋可同致

早春園居次僅初韻

樗散任吾真幡然早乞身不辭爲圃陋聊給罷官貧荷鋤初
經雨閒畦正及春猶憐聞道晚應媿漢陰人

寄尤郡博

遙聞授經處正對錢塘門白鳥出還沒青山朝復昏家貧常
自足官拙詎須論爲問相如賦何年達帝闈

送施子羽謁選北上

把酒那能別江城落木初鄉心繁客路寒色上征車旅食途
將暮人情交易疏漢廷方重賦誰爲薦相如

巖屋

鑿坏宛成室偏側嵌危岡花發洞門隱雲生石几涼隔巖通
水氣幽隙引晨光豈是逃禪處塵心已坐忘

秋日閒居漫興和僅初韻

高齋著書暇雲盡見諸峰已卜青山宅言追處士蹤溪深度
夕鳥地靜聞疏鐘蓬戶無人到蒼苔一徑封

芝谿詩爲蔣上舍作

自居鑾江上迢遞憶吳關樓鳥尋故處歸雲懷舊山春明紫

芝秀月照清谿閒孰謂川途遠神遊時往還

送談同年轉台郡二守

浮雲本無繫去住欲何爲山郡興自僻大夫官不卑俸錢足
酷酒暇日但吟詩莫入天台去花深失路歧

酌紅梅下和姚山人韻

嚴梅發紅萼獨樹明高林春晝鳥鳴寂雪晴山閣陰鄉愁不
入夢歲序自驚心對此生華髮甯辭杯酒深

秋初雨後同姚山人山行

空山秋雨霽載酒一從君林靜發清磬潭虛生白雲登臨聊
適意去住自爲羣歸路溪橋晚涼蟬噪夕曛

荆溪曉發

挂席出溪口微茫天漸明殘星帶高樹春水抱孤城野曠月
初沒村深雞亂鳴停舟問漁父誰識濟川情

山中和文盡承韻

林色晚來淨秋聲雨後新偶然松下坐對此山中人流水任
去住白雲忘主賓安能向城市終自勞吾形

送安郡倅還京口

離亭一悵望春水渺孤舟黃鳥啼津樹青山對驛樓恨添芳
草色夢繞大江流爲問衡陽雁何時過潤州

冬日送周上舍歸婁江

歲晏束書去悠然返故園爲文已自信生事復何言落葉藏
深徑疏梅帶遠村離情不可極寒日下荒原

贈彭孔加

聞說幽溪處衡門委巷通榮存三徑僻道在一經窮霜葉墮虛牖雲山隨短昂坐憐華髮改莫遺綠樽空

楊巍 三十二首

巍字伯謙海豐人嘉靖丁未進士除武進知縣擢兵科給事中出爲山西僉事歷參議副使擢右僉都御史巡撫宣府改陝西進右副都御史移撫山西入爲兵部侍郎改吏部以終養歸起南戶部尙書召爲工部尙書改戶部進吏部尙書加太子太保贈少保有夢山存家詩稿八卷

四庫總目巍中歲學詩與唐高適相類而天分超卓自然拔俗故能不染埃壘獨發清音

海岳靈秀集夢山詩不事雕繪旨趣天成
鄒觀光孚如集楊公詩高曠玄遠冲夷澹泊河朔魏

允中擊節誦公晉中詩燈前流白髮馬上夢青山思
沈而致遠非唐人不能道

分甘餘詰吾郡楊太宰夢山五言沖古淡泊在高子
葉華子潛季孟間如遠道令人愁況近單于壘秋風
入雁門羽書日三至微微霽景流天壤色俱素獵心
生塞草世事入秋風風雨樓煩國關山李牧祠明將
流水引夢與古人居雨響殘秋地城分不夜天古石
苔生幽泉香麝過餘皆逼古作
靜志居詩話讀夢山詩如水仙十箇江梅一萼嫣然
薄冰殘雪之外

出按夢山集五律最勝直擅右丞文房勝境餚子不足道也自書存稿後乃謂得於曹紀山呂時臣爲多

雅抱沖襟令人翛然意遠

彈琴峽

瑤琴何處聞停車空廻想谷靜水聲幽霜餘山氣朗無聲心
亦閒况復聞清響大道晦有時靈物豈易賞徘徊坐磐石高

歌動林莽

馬谷山

馬谷近愚谷所以人跡稀昔名烏鵲山不見烏鵲飛惟有紫
蕨菜其苗高且肥洞口封白雲專待主人歸

述懷

鯤鵬翔萬里鷁鷀在一枝大小各有適進退豈無時胡爲徇
利祿營營至死悲榮公行帶索陶氏恆苦餓至性苟無累貧
賤復何辭歸去臥山中斯人良可師

送黎樂溪憲副轉甘肅太僕

帷幄運籌者翻令在牧芻愛時雙鬢短去路一琴孤已振蘭
臺紀應蕃沙苑駒誰云閑散地天子欲平胡

柏溪書屋

入夏門長閉爲園道不疏閒將流水引夢與古人居野鶴窺丸藥山精聽謫書尋詩自來往風起柳塘初

石州陷後作二首

石州古名郡一日化爲灰虜騎豈飛到關門不戰開腐儒終誤國盛世自多材好用廉頗輩空談何補哉

自昔闡兵火傷心在目前生存猶喰淚死去益堪憐城壘酸風日干戈積歲年請纓還我輩悔禍是皇天

雁門九日無興登高作詩二首

九塞行將徧三秋歲欲殘故鄉歸未得客抱向誰寬雲迷臺山暝風吹關樹寒干戈正擾攘何處可凭欄

把酒不能醉登高奈所思豈堪雲斷處正值雁回時風雨樓
煩國關山李牧祠寒花無意賞况復搔毛衰

寓安邑

回首同戈路忽驚歲序徂腐儒慚餼廩多病夢江湖凍水塞
雲合條山夕照孤荒涼城郭裏惆悵禹王都

過懸空寺

一寺空虛裏危欄高幾層懸崖惟度鳥無路去齋僧雲隱多
羅樹天垂寶月燈塵心何處覺孤磬下峻嶒

路中逢立春

簫鼓迎春日喧喧客裏聞馬消邊地雪旗煖晉山雲隱隱川
光動微微柳色分田園正好去莫待有移文

過石嶺關

石嶺月初上登登僕從勞山城秋路遠戌鼓夜聲高驅馬臨
重隘感時換二毛風塵頻看劍無夢向江皋

贈車鎮村族叔三老

吾家養齋老所性好清閑薄地不盈頃草房只數間宅鄰廬
武墓樹接烏鵲山已往郊原外柴扉長日關

郊居秋興

郊原淨秋色幽事甚從容不厭山僧過每於田父逢爲橋通
野水伐木出寒松更顧煙塵絕時清一老農

答王龍門見寄韻

自向山中臥蕭條門徑秋市沾愁不醉藥品病多收世事歸

詩卷生涯有釣舟聞君欲相訪家在海西樓

月夜至山園

以我愛光景山園夜亦過微風醒鳥夢明月澹煙蘿露冷蛩聲少亭空樹影多此中得佳句高詠向星河

還家逢九日

芳辰來故國秋色徧柴門正值菊花候新開竹葉尊晴雲高雁驚暮雨長蘭蓀偶誦閒居詠斯人可共論

重過馬谷山村

山村重到日風景益堪親家遠惟宜病境幽豈避人雲開三洞曉水漫九河春投老此中得當年枉問津

送孫司訓之任良鄉學諭

幾載借荒城爲師獨有名那堪驅瘦馬猶自戀諸生月上蘆
溝白風傳黍谷清莫言官尙冷已得近神京

秋晚桃嶺再集

已過重陽日風高寒更催菊殘猶待客病後尙登臺萬木霜
中落浮雲天際來祇應拚一醉騎馬夜深回

題趙子冲玄稿

嗟君狂者流一第竟悠悠見客少青眼吟詩欲白頭谿山無
世態花鳥共春愁從此聲名著前身趙倚樓

過響水堡

塞水合流處聲喧十里繁亡聞堪動色相對未能言束峽冠
鬪怒驚濤日月翻祗應阻胡馬不得入中原

早秋登龍門城樓

湖塞樓頻倚新秋天乍晴雲山兼日色鼓角帶邊聲路有元人轍臺餘漢將名楊公石柱在極目舊開平

九日大同登高

已作雲中客更登塞上臺風塵同老眼節序託深杯碧海雁行斷陰山雨氣來故園今日菊惆悵向誰開

題龍門圖送溫侍御還朝

疊浪下危岑誰言禹鑿深羣龍鬪白日客子發孤吟怒損山川氣愁關天地心憑君爲砥柱到海萬波沈

遊大慧寺同李行人熹任計部鎧羅廷評節汪山人淵賦

花垂蘿洞口樹滿碧雲層對境疑爲夢前身恐是僧樓臺依
北闕經論有南能卻恨相過晚登臨意不勝

宿小山望海寺

岩頭燈火起幾處見僧房蘿薜晉初夜星河滿上方人歸山
店遠磬入海天長明日正東望蓬萊接混茫

酬紀山見寄韻

別離二十載書到見交情始信山居好益憐詩韻清花開朱
玉宅雲抱楚王城何處思君切秋高古北平

宿凌雲寺二絕句

繫馬夕陽邊山僧訝客至門開古殿秋云是凌雲寺
野寺一僧住朔風萬里來虜營猶示徙猶火照邊臺

爲任柏溪題畫

萬壑縈迴一草亭
溪雲漠漠山青青
主人何處尋芝朮
留得松聲與客聽

明詩紀事

貴陽陳田輯

戊籤

皇甫冲八首

沖字子浚長洲人嘉靖戊子舉人有華陽集六十卷

藝苑卮言太原兄弟俱擅菁華吳中一時之秀海內

寡儔

皇甫涍少立集吾兄因是子樂府其劣於古者蓋鮮

觀其意直欲極詣以求乎至當而不俯仰於世俗之

談者司勳集吾兄詩兼綜諸體之妙而不能稱之以一長

盡臻名家之奧而不能擬之以一子此二陸辭藻獨

秀於平原三謝聲華莫先於康樂也樂府雄深古選

雅澹歌行縱逸五言近體典雅麗絕句清婉差弱者其

七言近體乎國雅吳中四皇甫盛稱才藻宜嗣冉曾

列朝詩集子浚遊虞山有紀遊詩自爲之序詞致甚

美其全集不傳金陵張文寺曰四甫之才子浚爲冠亦闢幽之論也

靜志居詩話四甫詩源出中唐兼取材於潘左江鮑清音亮節淨歸垢氛高蘇門華鴻山楊夢山而外

無有及者

明詩別裁吳中詩品自高季迪徐昌毅後應推皇甫兄弟以造詣古澹無一點穠纖之習時二黃三張空存名目耳

田按子浚詩五言與諸弟合轍歌行獨得變風變雅遺意子浚舟中讀楊兵部疏詩云誰讀楊公疏聞之感慨生無從得借劍空使欲沾纓填獄人誰惜投沙已獨清須知直臣志九死一毛輕弔叔山之死義憤勃發乃弟司勳集中壽介谿序謝嚴相公分惠大官贊品謁鈴麓書院嚴公解相還豫章追送泓陵諸詩過於放翁之賦南園在山出山之詠能不於茲三歎

築壇行

朝聞築外垣畿甸紛縱橫五城發閭庶九營糾踐更司徒庇餉糧司馬量期程司空度基址板築戒時興繚繞百餘里周

而遮宸京婦女喜往餤童稚歡呼行予前相勞苦豈不愛此役天子守四夷何須問疆場有臣居北門可以謝西域蒙恬築長城猶謂秦無策時訕乃舉贏徙爲智者惜父老來告予公但見其迹請言前年秋胡馬入塞來兵環順義城馬飲三河湄關山豈不隘如涉無人墟壯士豈不猛無敢當其威六道召義勇九門宿王師胡虜晝殺人夜火爇民居火焰燒天雲白骨盈溝渠醜婦割乳飲美者爲月支橐駝滿千萬寸鐵貴金珠六鎮坐觀變誰來衛王畿選將盡紳裨點兵非鐵衣邊懸本兵首市舉中丞戶元戎閉營卧曾無一矢遺或言召之來聲勢相互通虜去竊自慰吾師殺其軀取首作俘馘戰奏形墀王民百萬戶乃不如蓬萊恩之骨猶寒安知勞與

罷吾將從王事請子且勿噬回首謂其徒胡虜已刷馬築垣
戒時成朝夕慎勿惰不記奔逃時吾儕苦顛播若子梁上盤
若妻馬前裸有弟生不歸有親死棄野東家歎夫鱗西室哭
婦寡爭門後者死踰河疾者墮舉畚堅下基爲堞高著垛一
朝壞斯垣誰來顧爾我垣成詠惟甯庶免兵燹禍胡去開門
行胡來閉門坐臣尹但畫諾將軍幸安妥且侍太乙祠無間
三邊火

實錄嘉靖三十二年十月辛丑新築京師外城成上
命正陽門外門名永定崇文外門名左安宣武外門
名右安大通橋門名廣渠彰義街門名廣甯

順義戰

鄰有順義人告我庚戌事八月月生魄道傳俺達至朝聞古

北屯暮見遼陽騎李生正下帷奮激報守吏守吏不敢言雙
目但直視馳馬歸赴敵城門忽已閉登城望家室膏血乃塗
地里閈盡焚燒妻子身首異李生按劍怒皆裂聲色厲詎惜
中山羹甘心河東棄惜哉無一兵不能爲之計乃有陳使君
挺身獨不避下令開四門彎弓插兩幟左書報仇文右寫勤
王字當門據胡床潛軍弛衡轡李生與之俱不覺增勇氣胡
虜來覬窺一矢兩酋殞胡驚離齒奔倉皇解圍去城邑不破
殘凡以二子庇功高主不知事往名亦墜李廣豈數奇取恭
終棄置斯理自古然況乃居今世請君勿復言此事猶爲細

下邳

天曠川途遙長楊繞墟陌歸舠若飛蓬飄飄挂輕席圮水東

流長邳山暮雲白爲儒四十年袁然一縫掖投筆繡幕中爲問山中客儻有墮履人先雞待黃石

七星檜三株猶存

停舟繫石岸躡屨遵瑤壇梁宮暮雨濕蕭楓陰風寒攬衣就拂拭詭怪極偉觀形分巨靈擘影屈螭蛇蟠上澑煙雲色下蝕苔蘚斑何須屬香漢偃蹇當層軒代禪若反手日月如飛翰載記豈所覩圖繪良工難生者宛神理擢者非靈殫緬念封殖八千載

過濟寧懷周伯川尚書

忽憶尙書思惘然歸舟還過濟陽川棠陰寂寃猶今日楊柳依稀似往年江上自吹懷舊笛道傍誰問孝廉君清尊獨對

南城月惟見歸鴉噪晚煙

和子約弟帝京上元

走馬來逢帝里春
上元今夜物華新
萬家煙火明侵月
夾道香車暗起塵
禮李歌中喧笑語
簫韶聲裏豔陽人
更看天際神光起
道是西宮祀玉真

西苑卽事

曉日曈曨照御堤
君王身在大庖西
雲邊鐘磬和仙樂
日下旌幢雜綵霓
侍從詔看玄鶴舞
中官敕賜紫駟嘶
長生殿上長明火
不數秦王祀寶雞

渡淮

去國蓬春春復過
歸舟四月渡淮河
岸當齧處沙成漲
水到

迴流漩作渦直北煙塵看遠在向南風氣覺暄多八公叢桂
今何似欲就山中結薜蘿

皇甫涍 四十九首

涍字子安沖弟嘉靖壬辰進士除工部主事改禮部
厯員外郎中遷春坊司直謫廣平通判進南京刑部主
事厯員外出爲浙江僉事有少玄集二十六卷外集

十卷

四庫總目涍詩憲章漢魏取材六朝婉麗之詞綿邈之

神以駿駕昌穀蘇門固無愧色

甫田集子安雅性閒靖慕立媯先生所爲自號少玄
子詩沈蔚偉麗早歲規倣初唐旋入魏晉婉益玄造
鑄詞命意直欲競曹劉之奧而及之惜乎未見其止
皇甫沖華陽集仲氏子安謂余曰今之爲文者王宋
稱一代之宗李何爲中興之冠然王宋反元習之靡
而不能不病於聲李何矯一時之弊而不能不泥其

述故於詩獨取述功子安刻劖二十餘年其性敦靜
簡默又能致其深沈之思其於詩鑄詞精而爲旨遠
體骨奇俊辭彩英發吾宗之有子安則衣裳之冠冕
居室之棟梁矣

司勳集司直兄學臻博極思覃深湛余分則友于義
同師授每有述造輒相詔視商榷砥獎可得而言方
其家食含章與徐生二黃定交筆札駕嗜工部旣何
李篇出病其谿徑專意建安至解巾登仕與蔡王二
行人廣搜六代之詩披味耽翫稍回舊好雅許昌穀
又與王文部李司封唐陳三編修劇談開元天寶之
盛乃曰詩雖選體亦無使盡闕唐風也故其詩特工
五言而七言近體薄不經想蓋錯綜晉託宿府英
幽玄以通思睿容以御氣婉麗以陳詞和易以達理
憤懣以抒情綿暢以該事雋永以歸趣其始構也隻
字不愜於心片言無贊於目闢壁窮思擁衾寤索曾
不少休今稿中或兩字未竈或二語並存致蓋密矣
藝苑卮言子安之東覽古選頗勝子循之禪棲近體
爲佳子安卒蔡子木以詩哭之云五字沈吟詩品絕
一官憔悴世途難可謂實錄又云子安詩如玉盤露
眉清雅絕人惜輕縑短幅不堪裁翦

續吳先賢贊皇甫兄弟自相師友善對策高第爲郎
尤爲昆季所推貴溪相任宗伯時所上章奏皆草之

或有故使他郎代卽無以當其意改太子司直坐法
謫又移按察縣其在越詩曰東覽最盛以五言名
馬時可元成選集皇甫涍九日詩鵠絃入怨柱蟲響
切離禍楓落他鄉早尊寒故國秋又河虛平夕霧閣
掩澹秋塵素霞昇遙靜高雲歛更新又新月詩微呻
不照綺情漢欲生塵雁山詩遙靄引疏磬翠峯寒暮
天四傑之概也公負才傲睨曾爲春坊司直卒以纔
廢然郡中稱其人甚介謂皇甫白眉
明詩選陳臥子曰少立凝思選調意求雅則惟取境
不廣無從橫宕逸之致
靜志居詩話子安逸藻風飛清文綺合視子循工力
悉敵銖兩未分宜子後之難爲兄而子約之難爲弟
也
明詩別裁子安枕藉選體故五言自高然得風格而
遺精理未云詣極也
田按子安刻意摹擬詞後而格超可謂鍛冰雕瓊心
手雙絕

銅雀妓

雜牀棲累榭椒鶴鎖深宮花月常如昔君王不可同綺羅芳

愛盡臺館御遊空惟有西陵樹時時入望中

春朝雪後

拂曙啟荒扉雪照蘭林鑿迴榭眺氣氤層原闊彌亘春動鳥
數聲晴開煙一徑欲訪垂綸人悠然五湖興

秋夜憶山中

悵茲豐景淪感此流暉馳青霄有翔隼落葢多寒枝徒對盈
樽酒美人不共持聊且娛心憂華月泛金池意隨流波結情
逐孤雲移猿鳴鶴以怨歲暮何遠爲

生朝廷懷

修名悵未立悲辰嗟屢邇眺榭感徂川芳華逝不留淒露洒
皋蘭颯颯天氣秋析析葉去幹翻翻鳥赴儻密雨垂檐駛迴

風繞隙流臨此傷年髮曾是戀恩猷且當投紱去桂樹山之
幽

歲暮述懷

崇情系淵邱遠迹愧朝闕自子結華穀於今垂素髮風樹斂
寒泉霜鐘流哀月乘此寂蕭悲彌傷芝蕙歇

雜詩

立颯適虛轍青旛肅盈軌時陽耀林端餘寒散嚴趾乘化皆
良游登瞰春原美翩翩翔霄鸞矯翰憑雲起思慕遺榮客臘
襟有如此疇昔慨斯言風塵淹暮齒密親庶來同韓鄧邱園

裏

和子約弟新霽閒適

中林散微雨開軒眺晚晴山原一綺麗虹日兩輝明長槐交
戶蔭新渠出水生開襟玩來藻延伫有餘清豈伊西陵獻獨
得啟予情

往視城南別業同子循弟作

赤嶠倦征輶滄江遂還策調笑掩竹書行吟事泉石芊綿東
溪樹迺邇南城陌榛蕪獨懷往堂構仍慨昔不見禾黍秋但
蓬虆免迹沼近伍胥臺市遠梅生宅遙觀經始期歲月殊復
易焚枯進深酌煙華靄將夕攜手邈歸雲惆悵平津客

春日隱居

二首

從宦蹇無成竭來務田畝悟身一虛幻萬事夫何有昭曠始
自茲逍遙眄長阜遠墟絕行塵東風搖谷口薜荔鶴清川雲

霞生敝牖隱几忘吾言嗒焉喪其偶

崇蘭茂北谷鮮藻榮南津摘蘭聞雜佩采藻羞嘉賓攜手登
晴隴舒嘯懷先民潁陽有清波畏壘有清塵朝陽爛五雲光
照岩壑新且當放歌去聊用全吾真

春日閒賦

驚暉慕屢生淪華懽易失獨往終可期徒然嘆衰疾澤徑茲
翳茂林園趣非一芳雲起崇朝諸峯乘望出初泉乍交戶新
花尤映室覽物寡嬰慮幽居親道術邴生游或似尚子願未
畢寄謝山中人無使淹蕙日

子木見過伏枕弔對述簡

墻草含薄滋庭花罷餘蒨林淨夕迎霜天長朝送雁思君一

水隔跋予三秋眷馳暉杳莫攀歸雲時可見

贈閒上人

東林禪誦地寰中閟靈壤蘿徑罕人蹤泉竹諧幽賞勑公法門秀超迹絕煩想皓月窺淨心明霞鑾空象虛薄匪世姿胡然久塵鞅領茲析冥論永言欣獨往

下西店遊目健跳海渚匯潮環山雲濤華勝

修坂無輶輪孤征寄塵鞅客心忽昭洗巒林納澄瀆蓬萊幾清淺靈潮闊何廣伊予一壑觀從知百川長煙黛縵峯華雲錦涵濤混春合滄波深晴搖翠微上茲言采秀行兼值乘桴往達生趣旣秉齊物理九朗東方傲旅遊西笑非情賞

朝馳碧澗隈夕到翠微裏揚炬歷危岑披林息廬軌半空霧
雨交燭壑風泉委清耳不避暄鑿心自爲美秉牘向雲蘿間
俗攜琴史滄洲非滯落冥翰尋當理

登雲峯最高頂

稍聞翠微鐘猶自厭城郭復躡丹梯霞所見惟峯壑步趾窺
蓬瀛舉身向寥廓斜日挂危龕非煙開化閣翔鹿登素雲冥
苔繡瓊粵鞅掌懷仙蹤信宿春華落靈區事遙踐海嶠果幽
諾伊予期會人聿來遊鸞鶴

踰盤嶺觀石門潭

總駕踰盤嶺探奇自茲始禽木非蠭覩岑泉愕今擬來觀石
潭勝乃知巖瀨淵渟泓鑿靈碧錦礎耀蘭沈輕漣不喚雲冷

風緣破起春生滄海外霞散綠蘿裏客心在澄瀾豈但濯纓
美

入舟

停策厭霖潦登艤美雲樹輕飄自遠集川色靄已暮澄瀾含
霞彩遙洲泛秋素頗協俗遊情殊深隱淪慕從來困弱植拊
志慚遠度時會苟難并操持不易固放斥金河居眷戀玉門
驚幽桂日夜零悵望江海路邈哉袁生室忝此千載晤

夕泛遺思

開秋兆徂節汨吾旅川陽臨此秋氣悲旅魂滋洋洋何況隔
心賞徘徊眷河梁感別念有緒指途憂無方汀渚屢迴復風
濤增慨慷兩鄉日予跂一葦思誰杭微月挂石壁萍草亂寒

塘鷺歸雲去岫塗塗露委芳灘水沿北船朱華嬉南檣聊自知魚樂江湖永相忘

之崑崙道中書懷

迫歲物務勞念此近郊客趨塗無百里江城望來隔三年謝旅遊登艦悵疇昔旣感道路難復嘆時序易川葦夾岸鳴湍浪乘風逆微微散林旭泛泛隨波翮眷言濁酒尊誰遣他鄉夕予方畏簡書春陽事行役

湖泛

我行踰孟冬風湍日云滯聿來泝淮甸還途指江裔暮靄散長蕪遊目盡湖勢蒼茫寒葭外浩瀆白雲際棲鳥去人煙驚鳧下漁樵行行忽超遠望望更前詣天色隱鴻濛潮湍失空

羣客念坐纏綿臨泛泊無繫適國情已違歸田事仍戾永言
期滄洲拂衣自茲逝

桐巖曉發

厲澗越南岑拂霧趨東土宿處惟蒼煙遙天徑如縷林光曜
鳥散海氣寒雲聚憫勞感婦歎搖搖涉春雨

發郡城之天台道中述所經覽寄孔謝二憲副趙何二

僉憲同年

委羽周遐討飛流更幽悰林蘿踐已深巖去彌重綠雲迴
幽溪紫煙蔚奇峯霞摛金潭藻雨濯春山容但聞松泉音不
見鸞鶴蹤當同羽化客海上期遊從

觀石梁夜宿萬年寺迷遊寄伯氏子循子約三弟周山

人

微生不偶世孤拙恆自將徒欽楚老喻載履越人鄉五辭念
乖怛一往形猶傷春山墳委暇乘日事遊翔夕棲鶯懷陰旦
發桐栢陽旣弄石潭月復掇瓊臺芳雙闕轉天徑萬嶺鬱蒼
蒼鳳侷時鬢花苔深紫房徘徊送落日上下窺飛梁緬懷
同襟懿暮色含悲涼絕冥良已遂心賞何由忘愁思雲闌客
間猿清夜長

贈施比部四詠

孤雲正棲峴間月始登嶠綠苔席飾尊金風吐仙調客有綠
山姿靜聞天聲妙萬壑皆能吟甯假蘇門端峴山鐵笛

山尊不雕飾鴻濛契予情逃樊託深好遊古遺榮名神將餐

霞澹思與對泉清頽然視萬物何啻如流萍

崔尊醉客

連山對澄磯輕漣發幽賞彌懷任公釣悠然范生槳花源互
窮宛雲波彌滉瀁試問五陵豪何如雙溪長

苕霅漁長

蘭橈去悠悠碧浪何瀾瀾嘯傲天影中徘徊月明裏望隨蒹
葭盡興逐鷗鳴起余亦倦塵纓從君問煙水

碧浪蘭舟

早春雪後看雨

雪罷清江暗春隨細雨來郊西好風景柳色半樓臺散漫兼
空淨芳菲觸處催行雲自無意怪得潤莓苔

高杜諸君同集

曲徑雲深處幽窗雨過時村墟隨地僻花鳥怨春遲綠酒追
朋好青山隔夢思閒襟對公子高興戀佳期

夏夕雨後命酌同周子伯氏叔氏得頭字

暝陰淨窗竹池上雨初收坐覺寒泉瑩仍憐芳杜幽故人與
斟酌清夜愛淹留應附三何躅雲門可白頭

集談氏園亭

幽興偕仙步名園集綺辰檀樂題賦客巾拂舞花人落日臨
池好行雲繞坐新黃昏催秉燭更益畫堂春

昭慶寺翠筠禪房同孔學憲

城樓隔深竹龍象宛湖闊況復蒼蹊暮聞聞幽鳥曠情知多
惠好臺墳慕招攜惆悵寒山路雲闊處處迷

林居晚興

歸來滄海畔非復戀人羣獨樹晚成適疏花寒共芬南山平

入牖西澗靜流雲且對一杯酒誰能迷世氛

卜築

卜築向何處聞吟在澗詩自來迷歲月直是偶心期白鳥分
磯石寒山共酒卮一行歸道勾那復有塵羈

錢朱包三子過集賦贈

能賦三君手爭雄綠筆詩風雲難遽料今古一長悲秉燭宵
仍遣當歌興暫隨並看憔悴者敷藻盡吾師

橫塘晚興

郭外有幽棲閒情泝碧溪湖山相映發鷗鳥日招欄霞色浮
塘上鐘聲過水西歸來一邱壑源路使人迷

湖上作

芳草已被徑初陽仍滿津緬懷滄洲趣獨往雲蘿春鷗鳥宛
如故烟霞時復新暝延南湖月身意同清真

治平寺

風中到香界獨往意冷然步引花木亂坐看洲島連一林寄
空水滿院生雲煙正此化心寂鐘聲松外傳

修和觀

桃溪隔隱處淡淡春波生乘日候煙駕有時聞鶴鳴山來香
閣徧雲下石床平永願啟金鑰齋心朝玉清

題朝天宮東麓亭

尋幽歷華苑綠嶺忽茲蓬行引冷風入言將青鳥從花明石
道雨春靄雲溪鐘數到陸沈客如何迷去蹤

吳山人留宿靈谷禪房

松門下迴策杳靄鐘聲隨卻望東林路懷君獨往時歸禽白
雲盡殘日翠微滋惆悵烟蘿夕清風不可期

宿雁山靈巖寺

寥寥到眞境宿處傍風泉遙靄引疏磬羣峯寒暮天白雲滄
洲賞清夜石門禪御笑桃源客空從蕙路旋

石梁

來尋方廣寺石壁路中分合澗飛丹壑春蘿挂碧雲苔梯徒
屢踐芝客信難羣不見花前女空音時復聞

登弘濟寺閣別謝施侯蔡四省友

高閣橫江出凌空石道行朋遊謝城郭幽意靄山檻斷壑晴

雲滿長蕪夕鳥平迴波對延伫一遣別離情

將至東昌

前瞻博平郡雲渚蕩清暉晨風一何鶯秋鴻稍欲微今日他鄉酒惡共故人揮獨有空林葉蕭蕭滿岸飛

舟還使風

宵來苦湍浪晨喜逐風行獨此揚帆去遙隨飛鳥征望雲疑岸駛出浦覺船輕卻笑淹留客元知不共情

懷吳客部以容

故人吳季子起草仙臺端蘭省碧雲外瓊枝何日看江銜遠空盡月帶疏煙寒芳歲一爲別夢來秋草殘

同子循初秋雨後懷虎山橋

同君別山寺心每懷滄洲山館對新霽烟虹開遠流空歌碧
雲暮悵望石梁遊况復西津月蕭蕭此夜秋

皇甫汸三十五首

汸字子循澤弟嘉靖己丑進士除工部主事厯員外
郎中謫黃州推官召爲南吏部郎中謫開州同知改
處州遷雲南按察僉事有司勳集六十卷處府集二
十卷

馮時可雨航雜錄皇甫子循詩名與王元美相累吳
下能詩者朝子循而夕元美或問其優劣周道甫曰
子循如齊魯雙可至道元美如秦楚強遂稱王
王世貞弇州史料子循五言律最工七言次之有錢
劉風調
四友齋叢說近時皇甫百泉解頤新語不但文字藻
麗而銓品亦精確可爲詩家指南
詩數皇甫子循以六朝語入中唐調而清空無迹楊

用修以六朝語作初唐調而雕繪滿前故知詩有別才學貴善用

明詩選宋韓文曰子循望過子安而其實不逮
靜志居詩話百泉清音藻思五言整於小謝五律雋

於中唐清真朗潤妙絕時人
田按子循五律清裁雅調自是一時之俊五古亦是

當家至模範魏晉銘鑄濟梁於子安稍遜一籌

臨高臺

高臺望不極臨此意何窮茂苑花爲苑吳宮錦作宮管絃虛
夜月羅綺罷春風獨惜鳥嚦處猶聞曲怨中

折楊柳

不見隋堤柳長條大道間絲陰流水去帶影逐春妍妬眉銷
翠無聽笛損朱顏日暮行人盡思君可重攀

擬中婦織流黃

金闕方永夜翠袖理殘機燈花斜落鏡月光低鑒幃寸心共
絲斷雙淚與梭揮作伴除蛩響驚眠惟雁飛織就當窗素裁
爲遠道衣從今芳訊達不及早旋歸

空梁落燕泥

金闕春色早玉闌芳信賒人歸織後燕淚盡每先花戶暗香
泥積梁低舞影斜不作雙飛去東鄰王謝家

春日遊西山作

吳鄉信云美山水饒嘉麗疊巘表參差層巒隱虧蔽時惟二
月芳雨散千門霽蕙畹蕩雲滋蘭皋屏氛翳獨攜邱中琴言
鼓江上柂結友遵嚴阿尋僧指林際仰看衆鳥翔俛悅儻魚
逝物理相因依余蹤且留滯

天界寺贈半峰上人

顧省紛俗嬰尋山慙幽趣秋水淨金河寒雲翳珠樹了看花落時莫辨鳥還處休公別來詩江生擬將賦

雨過高座寺

積雨黯花邱綠雲入香界修策振林間疏鐘落峯外康樂誦阿含陳思演清唄欲除常戀牽惟是逃虛快

雪日寄王戶曹湖上官舍

初雪度江城殘雲來省閣覽物嗟歲殫懷人悵居索擇木本同棲傾枝猶異託維舟安可從閒尊自成酌

移官越中初返家園奉答伯兄虞山見寄

薄遊逗京邑獨往眷長林始奉越鄉役因憊故山尋曠茲二

載別良晤展斯今誰謂百里間猶自邈微音未結邱中賞先
枉池上吟睇燕悲稍戢懷荆嘅以深花源迴俗轍蘿逕斷塵
簪且駐稽東駕雲扉期此心

盛二仲交示廣志賦因贈

江左本多奇盛生稱獨秀速化有性靈棲玄謝塵垢披帙十
行俱擁衾萬言就揖手青門東醉心在良觀廣志挺雕蟲織
書臻古籀情同呼覽餘興是凌雲後愧匪辨璧資相邀出金
奏

雨懷盛二時在清聽齋中

支齋營八闢陶情緬三徑嗟我裘羊徒悵此琴尊興室邇心
獨遐城嚴迹難并卮言誰與談籥理自相證細雨忽成寒輕

霽坐生暝天風迴海潮秋聲送清聽

郡齋作

雅志懷山棲復得理山郡蒼岫入南楹白雲帶西徑雖事簿
領勞時與烟霞并心曠眺旣遐迹沈尋亦近下車芳載徂牽
牒明兩迅仁靜樂有餘拙遲澹無競命藻酬清暉濡毫愧靈
運

聞郡檄至簡子約

同時參外庭一朝謝朝列鎩羽非難馴所驚峻綱設迤足睇
高驥聊以就羈絏予季廟廊姿爲邦茂時哲及笄宣令猷何
暮仁來轍承檄愧有愆趨裝悵無悅曾是東山情薄茲西河
烈芳歲若雷馳隆休亦輒嘵翹首關路長寸心念將別

春日懷子安兄

恭承東省拜帳望北辰遙香寢分宵直花天散早朝吏情春
更逸詩興日應饒空有雙鳧鳥無因渡玉橋

渡衛

問水知臻衛揚帆此渡河清秋常細雨落日更蒼波言采芙蓉佩情忘鷗鳥過江干有舟楫歸興獨如何

同陳給事林尚寶遊毘陵胡舍人園

茲是仙舟下因成金谷遊亭開一水曲山隱百花幽繁圃春常駐晴尊雨更留那知龍卧意猶繞鳳池頭

親友道余至京口擬登金山餞別值雨不果

雲將孤島翳雨阻一江分竟日嵐猶濕終宵汐並聞遊心飛

浩渺望眼入氤氳莫恨登臨晚晴時是別君

懷楚中舊僚張子時遷東昌尉

牢落同爲郡籤飛最憶君離尊郢門雪歸馬漢城雲道路情
難極星霜歲易分心如洞庭葉秋晚只紛紛

道中寄憶衲子大林

歲晚東林樹淮南落木同齋虛玄度月江倚惠連風塵劫看
爲累榮名悟是空歸期殊未得持此報休公

送陳子知杭州

東省含香吏南邦佩印臣離心冶城月別路武林春碧水移
蘭舸青山擁畫輪岳王遺寢在拜手薦江蘋

觀音閣同比部諸君餞別家兄

躋險因蕙閣虛託化城江山一以眺雲樹總含情鐘外潮
聲盡尊前花雨輕迴波去無限應是旅愁生

安隱寺

人天卽此路花雨見空臺刹盡南朝建經多西土來碑荒殘
蘚合僧定野棠開了悟身如幻何須訪劫灰

上巳日同友人集大甯寺得幽字

帝里冠裳集禪堂禊事修人天春駐景花竹暝通幽香積開
芳宴金河引曲流誰云王逸少陳迹獨千秋

秋夜集李守衡齋

政閒庭每寂吏散日猶曛下榻生秋思傳杯謳依分暗花微
泣露纖月淨開雲失路聊相倚何期御李君

邯鄲道

邯鄲臨古道車馬此通津錦瑟空埋恨緇衣易染塵王昌非
蕩子趙女是才人遊逐漳流盡荒臺蔓草春

白雲山

青山行處盡始覺白雲深錫化無僧在鐘鳴有客尋花溪遙
隱壑蘿徑曲通林坐得浮生理悠然忘我心

東溪寺

東溪斜帶郭數里接仙源嵐氣迴盤嶺灘聲到石門僧開翠
微舍客造白雲軒訝可無機事看鷗代晤言

登赤壁

萬古滄江上清秋赤壁開浴鬼知舊渚橫鶴見新臺妙齒瑜

非昔雄心操已灰媿無題賦手猶欲記重來

哭姪阿乘

長魚疲侍疾季琰妙通禪毀性安疏節無生得大年松邱成
異代花徑隔重泉一見西河泣誰能不泣然

詠扇

吳蘭新傳製齊紈舊得名塵來聊障面歌罷尙持情學月何
曾滿懷風不奈輕莫須蓬內史價始重稽城

關索嶺

斲石微通路攢峯儼作關雲中馬嘶去天上鳥飛還水向盤
江匯坡從香樹攀平生慣履險於此亦摧顏

寄雲谷上人

樓霞信靈境滅迹企前規松覆梁王宇苔荒江總碑艤歸秋
興後猿定夜禪時怨別心千里惟應江水知

贈嚴叟

聞有君平隱湖山不易逢溪藏幽處鷗雲合曉來峯曉鳥閒
中興馴鷗物外踪尋君迷九曲花樹一重重

鄱陽

鄱口曉來望潯陽路此通頽波銷霸業蔓草沒王宮霧色香
爐上秋聲瀑布中禪心與遊思并落楓林東

惠山簡汪沛

閉戶沈冥久尋山感慨生靈泉常淨色空梵亦秋聲花雨行
間濕松陰坐處清不逢雷處士臨眺獨含情

皇甫濂 九首

濂字子約一字道隆沖弟嘉靖甲辰進士除工部主

事謫河南布政理問遷興化同知有水部集二十卷

司勳集子約詩每出閒曠彌覺沖逸兼好綠華紫滿
之章貝葉珠林之偈景純振響於仙遊摩詰懷於
禪寂興到斯成曾無造次應酬之語

松韻堂集水部詩清負罕儻其志意亦復立曠故其

文乃爾

黃德水國華集水部詩意玄詞雅律細調清長於造

景務在幽絕山藏水闊披露良多

明詩選宋轅文曰子約盛有才名其詩頗傷浮急

靜志居詩話蔡子木哭子安詩云五字沈吟詩品絕

第一官憲悴世途難李于麟送子循詩云吳下詩名諸
弟少天涯宦迹左遷多子約宦亦不達與諸兄同詩
稍不逮也

肯田按子約詩步趨晉宋盛唐善於言情讀之令人增

骨肉之重近體微傷局促

王甥至傳家兄信感賦

昔我別都門與子成東西蔓草一爲惜柔楊三綠荑今爾客
南冠猶沾故國泥再歎浮迹言因傷中道睽爲我說余兄低
眉曠雲霓能不摧人心喟焉鄉思迷生世苦結束悵遙青山
蹊

彭澤

重江轉溪綠疊嶂敷林滋山色信茲美清風播休時弦歌薄
從宦景物聊所宜遐想歸來晚何勞束帶爲以予獨往意兼
此形役悲飛鳥征途外浮雲空我恩有情依澤柳結念在江
離愧彼栖遲者猶懷三徑資

悼子乘

冥冥雨露集熙熙歲始更靈眷各有化人理獨無生念我泉

下子一絕如朝榮生男以待終胡爲遺天熒清塵布虛室寒
晦凝軒屏流目無存影涕淚交霑纓惆懷何能已歎息每遺
聲堂闔曠慕迹詩書空復盈矣但腸九迴心膂成頽崩媿之
延陵遠無乃傷我明

列朝詩集吳中先輩盛稱水部悼子不減安仁悼亡能敘悲怨

真州留別華陽兄

河梁意不盡相送到真州歲月成今別江山是昔遊各言衰
鬢客那忍故園秋明發東西恨惟看一水流

百泉兄同過虎邱如山僧院

春中微雨後卉木散華滋況是東林近偏宜吟卧時水煙閒
鳥下山靄夕雲遲何必招蓮社相攜就遠師

偶過吳江訪子新

一徑翛然卧何如仲蔚廬蘿煙棲枕簟湖月入階除靜有名
山思閒惟老氏書平生尊酒意重對夜窗虛

登懷庾樓

一作江陵客長懷庾子山林陂美相映雲榭獨來攀恩禮湘
東舊才名鄴下還子規花外語愁恩入鄉關

柳枝詞

韶華回首悵離官梁苑隋堤荒草中獨有江邊楊柳色垂垂
還是怨春風

潘岳宅

寂寂閒居弔昔人芳臺修閣總遺塵洛陽花態渾無數空作

荒郊一段春

明詩紀事

貴陽陳田輯

戊
續

頓銳二十四首

銳字叔養涿州人正德辛未進士除高淳知縣入爲戶部主事改代府右長史有鷗汀長古集二卷前集二卷別集二卷續集一卷漁嘯集二卷頓詩一卷列朝詩集北人云涿郡有才一石人得其二銳得其八

田按叔養古詩微嫌冗長竹垞所評良然至五律音節高亮隊仗鮮明七言律絕亦復翩翩振響在正嘉

之際不失爲第二流

隴頭流水

戊籤卷六

隴水清且深東西南北下千里不見人胡兒來飲馬

長安有狹邪行

長安有狹邪馳道相背開宛轉近曲江詰曲臨章臺曲江何
逶迤章臺亦崔嵬越陌植長楊夾路列高槐繁回少城輿盤
礴新宮隈雕輪結黃霧華轂飛紅埃前轍旣已債後車還復
來要途生坎窪趨競亦愚哉三誦覆車言浩嘆令心哀

蜀道難

孤雲兩角去天咫三峽雙流與鬼鄰翻轡覆舟道相屬不聞
一日斷行人

雲居寺

地偏疏過從寺僻慙招尋風雨吟山鬼松杉上水禽壞壇蒼

薜合廢殿白雲深向晚聞煙磬空冷宿客心

虹蘿巘

絕壁臨千尺懸厓結數椽巖虛回荒噴霧重合炊煙僧定猿
聲上入行鳥道邈談空歸未得留宿愧無緣

巖頭寺宿

山行三十里路過百千峯縹渺巖頭寺微茫天際鐘澗風吹
短發嵐氣濕長松問我今宵宿雲煙定幾重

昭烈樓桑廟

芒碭收雲氣樓桑掩日華廟庭諸帝後簫鼓萬人家龍豈池
中物雄慚井底蛙西陵銅雀去無樹可棲鴉

逃禪室

書帙經年廢禪因竟日聞地非緣客埽香許對僧焚禿塵空
談豎清齋佛粥分病來休萬事不是故離羣

慈光寺

慈光開淨域沙界出恒河花雨阿蘭若鈴風窣堵波羣山空
色相一徑入松蘿僧衲翻經字雙林寫貝多

潭柘寺

潭柘前唐寺名山碧殿開松高雲影飄竹密雨聲來吸澗龍
歸鉢銜花鳥集臺數碑勒座蹟文字半莓苔

西禪寺

禪意西來遠空門東里深松蘿開一徑龍象護雙林僧行雲
花色泠泠梵磬音片雲間過寺如我本無心

北園書所見

治產無千畝爲園僅數弓荒城足寒日古堠易秋風佛塔高
雲白邊樓晚葉紅灌畦甘抱甕轉地罷飄蓬

春日宿長楊寺

長楊隱殘照蘭若暮鐘時靜得禪中味聞題壁上詩園蔬青
雨甲烟柳綠風絲一宿聞清梵三生本不期

顯靈宮

星月浮璇闕雲雷繞絳宮虬軒閒頰氣鶴馭下罡風道演濛
梁叟經傳河上公鼎封龍虎伏萬境寂寥中

新春訪成長老方丈

簪漢千尋塔香雲十笏房金燈明廣殿瑣琅噴靜長廊花放優

羃色珠含舍利光遠公開社地戒行服諸方

山行逸興

葛屬行山徑筇枝度石門鶯峯天外寺蛤嶼水邊村紅葉疏
林影丹崖挂瀑痕炊煙庄碧嶠嶺月闇黃昏

對竹

何處山泉落石灘虛檐十箇瘦琅玕鳳翎搖影三更月鵝牕
敲風一夏寒深謝年年伴幽獨曾教日日報平安繞闌粉籜
成蒼雪不覺春光過牡丹

贈史子慎

吳興郡守須人英山間罨畫毛骨清道揚天目萬峯碧雪水
苔溪雙眼明釣艇不驚鷗鳥睡蓮歌那邇使君行西湖便訪

林逋宅竹外寒梅瘦影橫

過賈島墓

汨盡窮轍得舊京旋披叢灌拜先生桐鄉遠在今西蜀梓里
遙鄰舊北平奔走碑消何位業推敲骨瘦是詩名太行秋色
桑乾水野老相呼後世情

落花

薄晚芳菲盡崇朝錦幃空墮紅無一語應是怨春風

衰草

淺白輕黃逐望迷遠掩秋影上平堤王孫尙作天涯客不待
春來亦慘淒

正月十七日

燒燈已過春寒減巢燕未歸花信遲一曲竹枝清瘦盡小窗
紅雪看梅時

琵琶

墨黑香雲艸不收井刀秋水翦橫眸春葱浙瀝檀槽淺亂點
銀冰下急流

石橋村清泉寺

綠遍汀洲水遶村碧波橫印小橋痕春流到處生芳草江北
江南人斷魂

齊之鸞十首

之鸞字瑞卿桐城人正德辛未進士改庶吉士授刑
科給事中改吏科謫崇德縣丞歷長興知縣遷南刑

部郎中出爲陝西僉事厯河南山東副使擢河南按

察使有蓉川集七卷

盛明百家詩蓉川齊公早負詩名發爲詩歌皆切民瘼國猷筆力遒健曲盡事情

靜志居詩話蓉川入夏諸詩山川險隘誦之有如聚米與尹僉事耕並工惜乎志邊闢者未之採錄也
田接蓉川詩有蹶張之力超距之勇不屑屑於詩流派別而句奇語重可與當時名家各分一席

宣和堡渡河

春漲河初急孤軍待曉天健兒工使馬修岸怯迴船革泛傳
騎虜魚鴟亂巨川莫憇衣帶水千古塹腥蘪

入中衛城

右臂伸西極甯近勢聯沙山橫絕塞河水上映田草木江
南色旆裘嶺外煙壯心驅倦足乘鄣思翩翩

三山暫駐

金陵望何極此地亦三山苦水愁胡騎高峯倚漢關免深青
草窟蛙急黑泥灣土屋無完堵餓人未盡還

遊獻花巖

過雨初憑竹樹涼巖居盡以北爲陽天開斗分山迴拱江東
關形海混茫星裏小槎浮露電松間清梵引笙簧勝遊無那
芒鞋剝欲問仙人借鳳凰

張茅坐雨

魑虐蝗妖氣塞空直從霜汝到秦東霑衣晚坐千山兩岸幘
秋襟萬里風黍穀大祲成野哭豆蒼小穫覩神功憂時未遣
持杯興白鳥翻飛谷樹中

韋州月夜望螺山有作

缺月秋山頽氣高霜溝泉纖翠作澗溪通澗谷方逢水地近
鹽硝半不毛胡馬幾年空野屋王宮萬木俯荒壕何當聽續
韓公策歲省千車轉運勞

過安定堡不入

塞上塵勞久自便追風驥裏錦鞍轎防秋鼓角孤城裏轉粟
車箱大道邊沙磧蓬蒿青布套鹽池涼水碧生煙午陰繡綸
增寒吹似比南蠻倍颯然

同姚拙菴憲長張心齋副使盧藍山僉事遊小雁塔

南山秋氣翠嶺嵒野恩懷懷碧殿寒塔隱佛燈無雁宿樹如
僧臘有龍蟠霓旌古苑悲金鑑霜節清樽洗玉盤十里曲江

遊興盡夕陽風雨幾歸鞍

牛頭山寺

羣山四合鍵青銅約束河流萬古東天護漢槎迴鷺嶺地無
胡馬飲龍宮飯僧歲稔陽坡粟吹客秋高瀚海風搔首沈寥
呼謝眺靈奇屬景月明中

始皇墓

金泉已銅鮑魚枯四海驪山夜送徒牧火燎原機械盡祖龍
空作萬年圖

李濂二十六首

濂字川父祥符人正德甲戌進士授河陽知州遷甯
波同知擢山西按察僉事有嵩渚集一百卷

四庫總目嵩諸集濂所自訂皆於七子之外自爲一格

大抵筆鋒踔厲泉湧飆馳而裁剪尙疏不免才多之

患濂跋石璇熊峯集謂詩文傳世豈貴於多其說良

是而自定已作乃不能盡剪捺楷信乎割愛之難也

田按川父作理情賦左舜齊持以示李獻吉獻吉大

驚訪之吹臺王子衡少石子歌云大梁翩翩李川父

薛君采梁園歌云大梁李侯才絕妙司馬鄒生爾同

調其爲名輩推譽如此余檢嵩渚集大約近體勝於

古體七言勝於五言川父尤留心鄉邦故實所著汴

京遺蹟志二十四卷博綜典洽幾與長安志雍錄抗

行又撰祥符鄉賢傳八卷祥符文獻志十七卷著述

繁富不僅以詩歌擅名已也

蕭蕭楓樹林極目水煙積斜陽池口明照此霜華赤佳景不
負君一尊秋浦夕

楓林晚照

夜雨

向夕雨不歇一室生蕭爽砌寒絳緜院靜芭蕉響壺酒度

深更齋燈照虛幌兀坐已忘言翛然息諸想

讀孟浩然詩

落魄襄陽客清芬不可攀秋風漢江水斜日鹿門山野寺漫
留詠松林恆朗闢底須凌鮑謝佳句滿人間

邯鄲懷古

邯鄲佳麗地傳是趙王宮廢苑春陰裏孤城返照中叢臺還
似昔漳水自流東野眺悲無盡棠花黯淡紅

刻中雜興

二首

夜雨過漁溪春風入會稽雪舟人不見腸斷剝雲西古廟凌
霄發深山戴勝號多慚許立度恤在石城栖

緯繆傳斯境東南名勝州水迴車騎宅花遶右軍樓樵下晚

峯碧鳥鳴春寺幽何當解簪紱卜築剡溪頭

擬唐人送宮人入道二首

苦憶僊人夢綠華乞身遙入太清家向來寫恨餘紅葉此去
行蹤有碧霞學道晚依新藥籠洗妝朝棄舊菱花玉笙不作
昭陽調緼嶺閒吹月影斜

蚤承丹詔入華清卻戴黃冠出漢京簫譜好傳秦弄玉練師
初拜許飛瓊衣沾別島朝霞色夢斷長門夜雨聲十二層樓
何處所芙蓉花外是仙城

冬日出南薰門赴吳家屯別業偶值起風悵然作

晨興獨往城南村沙風野霧寒天昏小車蕪过大堤曲白酒
初熟吳家屯弋鴻獵免暫爲樂故苑遺宮今幾存不見古時

信陵墓朔雲滿地蒿藜繁

梁王臺

梁王臺下春草生
梁王臺上春霞明
免園積雪有詞賦
鳬渚廢榭無歌笙
百花雙燕且對飲
碧海黃塵空復情
落日爲誰吟思苦
千秋城闕暮雲平

懶女臺

在河陽石湖村

懶女瑤宮俯石湖
湖光激灔勝蓬壺
春風絳節還升降
夜月明珠定有無
流水舊迷秦洞古
片雲偏傍楚雲孤
知從南岳夫人去
何日東還海上鳬

百門卽事

百門山前花裊裊
三懶洞口雲悠悠
高車駒馬我何意
翠壁

丹崖誰共遊幾家蘿竹背巖郭滿眼煙霞明石樓自憐衰朽
興不減春日行歌泉水頭

戊寅元日

鞍鎗春盤薦蓼芽盈盈杯酌勸椒花青幡綠勝聊時俗雪郡
江關自歲華萬事傷心愁對酒三年作宦苦思家雲霄未上
王喬履服食空懷葛令砂

河陽上巳

三月上巳何處遊錦轎白馬河之洲忽驚風打棟花盡苦恨
春隨江水流翩翩拾翠北村女雙雙喚雨東林鳩蘭亭勝事
久寥落碧草池塘聊唱酬

春日谷園賞梅

谷園梅花春可憐欲開未開香滿庭隔城祇愁西日墮倚檻
轉樹東風顚攀條喚蘿忍令折短句深盃能爾妍妝賓醉歸
主人卧暝鳥嚦合村墟煙

澤州分司見竹

自別南州見爾稀行臺駐馬暫相依情知水石生秋思肯放
細塵點客衣深院度颯鳴瑟瑟短牕留月靜輝輝家山亦有
貧窶宅十畝清陰待我歸

汴州懷古

花石今何在孤城涕淚中金梁橋上月偏照宋遺宮

夷門

俠骨已成塵夷門草自春斜陽騎馬過獨憶抱關人

過金陵寄徐駕部

烏啼板橋浦露落厯陽樹夜聞青山鐘揚帆過江去

春遊

太乙宮前柳色天清寺口鶯啼緩風吹面酒醒斜日穿花路
迷

閨思

寶鵝香銷盡樓月明初上簾鉤今夕不知何夕仰看織女星牽牛

登臺有感

臺邊草色苑邊雲載酒來遊白日曛富貴可憐成一夢疏花
冷雨信陵墳

途中雜識

銅雀臺邊逢早春
西陵西去草如茵
蛾眉皓齒今安在
碧水黃雲愁殺人

明州歌

鮚嶺蛟池空復春
越王宮殿已飛塵
跔船莫唱明州曲
一闋明州愁殺人

寄王倅玭

九華山下讀書樓
秋浦寒雲濕不流
最愛風流王別駕
白頭詩思滿滄洲

雲中歌送蔡成之都憲之鎮

黃河北來東勝州
桑乾水寒雲朔秋
壯士齊歌搜套曲
元戎

帶潔紝白骨浩縱橫惋歎不能發總轡歌此章

田按平將軍平安也小字保兒建文元年伐燕安爲先鋒燕王將渡白溝河安伏萬騎邀之戰最力屢挫燕師王親搏戰幾爲安槊所及已而敗被執燕軍歡呼動地爭請殺安王惜其材勇選銳卒衛送北平王即帝位授安北平都指揮使永樂七年帝巡北京覽章奏見安名謂左右曰平保兒尙在耶安聞之自殺東侯此詩感慨激昂仲生固有爲忽死亦其常二句蓋爲安惜之也

寒夜懷皇甫世庸

夜色寒以肅北風振高枝況有南飛鴻嘹唳雲間悲思君隔煙水還望情無涯豈無琴尊歎而與誰共之耿耿不能寐起見星河垂願言拾瑤草順風能遠貽

宿渡口寺

朝行辭蔚蘿暝宿寄禪室乍屏車馬喧頗遂山林癖閉門謝

幕闋宴坐同隱逸雨洗蓮界青月照松關白夜榻秋聲遠海
燈定光碧道心難邊探俗慮暫可滌匪曰參上乘聊以寄空
寂

亭上

羣動暮已息吾亦與時休暫去簿書勞薄言懷夕遊逶迤步
畦徑逍遙卽林邱涼風酒榦樹亭影漾池流澄神對止水沖
慮復何求尊中有素醪獨酌遐自酬心適境亦寂何必於滄
洲

答惟喬夜集

檐雨罷宵彊海月升東楹杪秋氣高肅臺館滋虛清長歌命
深酌豪談對友生眷眷一夕歡悠悠千載情

春日登含元殿故址作

覽故蹕崇基披荒撫遺跡川原諒如斯壯麗威非昔五城隱
見分雙闕岩岸立參差想華構凌厲餘層級卻繞涇渭明俯
視終南屹落日黯將暮春草萋以碧嗟哉市朝變去矣雄圖
焜爍離有餘悲桑海詎終極

八月十三夜開福精舍對月

靈境自虛寂秋期倍森爽西風酒樓閣鐘梵虛空響浮雲薄
暮盡華月東溟上光明麗中天羣昧倏以朗對此悟圓照因
之釋眾想況有素心人相將共幽賞

期遊蒙谿垂過歸不果途中賦述寄遺道侶

遙壑啟神窟延阜羅仙源富有山水勝鑑謝塵土喧芒田蒔

大藥洞府弭華軒玉桃千載寶珠樹四時蕃冲想寄靈圉遐
曠阻玄門愴往齒髮變期來歲月奔纏綿未能解飛舉詎堪
言因書達羽客聊以展寒溫

暮春同諸子登望江樓作

曩宦闕茲遊今來遭斯賞朱閣凌漢飛丹磴緣雲上芳時鑑
桃柳春消苔菰蔞浩浩江水修茫茫楚封廣惠風拂綺檻淑
氣耀金榜波光蕩空洞石霞映虛敞層觀每興曠萬籟各奏
響冲鶯信有基大造窺無象嘗喜辭喧卑同懷納高爽寄言
御風軒兼以出塵網

秋日過相國熊峯先生故居

坼台願已違奠榼兆何速山立蛩不搖川逝迴難復生申靈

氣闊化宿餘精鬱烈往寵獨延代遙譽恆馥膺門儼若存拭
履愴彌篤翟羅張已久容閭式誰續時態傷雨雲義感墮陵
谷

留城懷古

哲士昔未達龍伏於草萊翻然奮鱗翼出際風雲期手握黃
石符身爲赤帝師智運祕神鬼蕭韓那得知四海歸皇圖英
雄多見疑開國重始遇乞留有餘機河山奄舊疆珪組紛陸
離履滿戒知止居崇虛蹈危避穀假高蹕赤松杳何之冥冥
九霄上飛鴻振羽儀寄謝工弋者懸情一何爲此意商巖叟
庶幾達其微

送葛穉方赴河西幕

君乃上谷才遠赴河西幕山中忽相見故舊情如昨神駿本
爲龍屈蟄今成蝶驥騰千里駕且困鹽車縛遙聞主將賢愛
客時開閣相逢一一語卽訂平生諾日飲葡萄春醉舞蓮花
鏗歎言魚水契不道殊方惡秋城與爾別霜葉續紛落丈夫
輕遠遊爲賦從軍樂

秋日曲江同韋西諸君子遊燕

柴門曲江畔榆柳晝陰陰入竹尋幽徑開窗得遠岑野蔬童
旋摘村酒客同斟坐聽涼蟬響蕭蕭秋滿林

三月三日遊含元殿

芳辰臨上已廢殿訪前朝地古佳名在時移王氣消河山看
表裏觀闕想岩堯春草興亡恨行歌參秀譜

登毘盧閣

香閣標靈勝丹梯覽壯模人天開化國海岳衛皇都結蓋蓮
雲涌懸珠寶月孤飄飈辭世網萬有盡空無

野酌

野酌傾崖密山差薦渚蘭藉雲衣袂溼浮翠酒杯寒醉舞攜
立鶴仙謠奏紫鸞臨風思羽翰長嘯振岩巒

石鐘寺

抱郭雲林麗懸巖樓觀虛窗光挹彭蠡簷翠下匡廬霜吼鯨
音石風翻貝葉書煙波五湖上到此憶高居

歌風臺

亂水疑無地荒城但有臺風煙沈王氣歌詠想雄才世遠川

原變秋深草木衰登臨招猛士芒碭暮雲來

別館奉餞劉士奇參政湖南

花明翡翠館酒灑鳳凰卮楚塞動行色秦箏起別思雲疑神女夢竹想帝妃辭倘著南遊賦因風一寄之

避事三首

九天行殿丹青麗列鎮雄兵虎豹屯上谷將軍新賜姓晉陽
妃子獨承恩錦屏歌吹天顏喜玉帳森嚴將令尊流水浮雲
俱過眼傷心甲第鎖千門

朵顏三衛海西頭保定河間種類稠千里營屯成拱衛百年
禮樂化旃裘虛傳江統能高論須信文皇有遠謀古北黃花
俱肘腋暗天誰抱杞人憂

眉山司馬萬人豪曾築長城心計勞坐使匈奴無右臂笑談
邊鄙失腥臊黃雲北去龍沙迴黑水東來雉堞高衛霍不須
論戰伐萬年基業本蕭曹

望洪光寺

香臺隱隱蔽層峰曲磴盤盤轉萬松縹渺煙中祇樹色稀微
花外上方鐘光搖浦殿琉璃淨路入雙林翡翠重渡海何年
心自許梯雲此日恨無從

功德寺

功德寺前湖杳冥渚花汀草流芳馨法堂雲深殷仙梵塔院
聳寂喧風鈴野煙空濛石閣邃春水蕩漾蓮臺青開門秀色
淨如洗落日西山虛翠屏

九日同劉司徒慈恩寺登高得嚴字

積雨初晴爽氣嚴南山空翠落虛檐登高尙覺秋懷壯抱病深嗟酒興廉白社有緣逢蕙遠黃花如約遲陶潛爲耽佳節忘歸暮風帽欹斜醉不嫌

寄馮伯房御史

夏口別君今廿年地偏書札迴難傳遙聞御史如桓典且喜諸生有鄭玄老去交情懸楚澤秋來離思滿江天雨花臺上登臨處寄我雲霞賦幾篇

立春夜燕師徵君宅醉中作

西京豪士青春燕南國佳人白雪歌醉裏不知身老大歡來那問夜如何纏頭錦段無勞惜到手金尊豈覺多白髮紅粧

笑相向良宵爲樂肯蹉跎

正月十四日汧郎燈燕遇雪

長安霏雪滿山川帝子張燈令節前六出花明流夜月九枝光煥結春煙仙倡玉樹調新曲上客瑤華擬鉅篇十載王門
枚叔老強將衰白侍賓筵

春日遊興慶故池

昔是皇家苑今爲藩國池景龍餘舊號花萼尙殘碑風館櫟蕪合龍舟歲月移藤垂千尺蔓樹拱萬年枝芳草王孫賦覽裳帝子辭翠盤懷妙舞玉笛想橫吹佳麗前朝迹興亡異代時乘春聊命賞覽古一興思海變旋成陸臺傾已就夷援琴歌慷慨徒感雍門悲

題畫

草閣生晝涼南風滌炎暑幽人坐忘言靜聽泉石語

送別吳醫鴻元璵

採藥吳中久匿名偶騎山虎下山行還丹賣畢還山去人說
都門有宋清

苕溪歌

沙際交飛雙燕子池頭並宿兩鴛鴦採蓮人自愁相見況遇
青衫白馬郎

黃佐三十二首

佐字才伯香山人正德辛巳進士選庶吉士授編修
出爲江西按察僉事改廣西提學僉事致仕歸起左

春坊左司諫遷侍讀掌南院事再遷左諭德厯南祭
酒進少詹事兼侍讀學士贈禮部侍郎謚文裕有奏
泉集六十卷

四庫總目佐詩吐屬沖和頗見研練於時茶陵之焰將
燒北地之鋒方銳獨能力存古格可謂不失雅音
藝苑卮言黃才伯詩如紫瑛石大似韁韁才伯亦有
佳語如青山知我吏情澹明月照人歸夢長長空贈
我以明月海內知心惟酒杯門前馬躍簫鼓動樹上
雞啼天地闊

湧幢小品夏貴溪妾蘇廣陵人其父曰綱少女號曾
石塘銑與貴溪爲聯衿細出入兩家傳石塘復娶之
說夏大喜主其策綱益自負與巡倉御史艾朴通語
作奸爲眾所嫉分宜已一一刺其陰事伏毒深莫不
悟妄度河套指日可復得意甚作漁家傲一闋道黃
秦泉至掀髯示之索和黃有千金不買陳平計之尚
蓋諷之也夏大詬晉喉言者逐之去去三日而禍作
國難黃詹事才伯性尙冲和韻含芳潤玄覽蟹洲藏
珍瓊海爲一代名家其詩譬之龍躍懸河鳳鳴阿閣
輝映高絕

廣東新語歐貞伯云泰泉先生號出南海持漢家三尺以號令魏晉六朝而指揮開元大歷變椎結爲章甫闢荒穢於炎微功不在陸賈終軍下列朝詩集才伯鬱戲以奇雋名及入翰苑博綜今古修詞掞藻爭雄藝苑嶺南人在詞垣者瓊臺香山後先相望後來梁公寶黎惟敬皆出才伯門下南越文學彬彬然比於中土矣才伯有漫興詩落句云倦遊卻憶少年事笑擁如花歌落梅自注云欲盡理還之喻王元美云此公作美官講學恐人得而持之故也今刻泰泉集不入此注故附記之

明詩選陳臥子曰才伯亦規見格律

靜志居詩話文裕獎體頗正而取材太陳故格雖聳

高而氣少奔逸田拔才伯論詩云吾見近世古詩以綺靡爲精工律詩以粗豪爲氣格然則徐庾之玉臺優於蘇李之河梁蘇頌之輕花捧觴岑參之柳拂旗頭反不如羅隱之天地同力韋莊之萬古坤靈矣持論甚精泰泉集古體微傷堆砌律體與七言斷句極得唐人格意

都門逢美人行姚倅至席上賦送陳參政探韻得高舉

都門柳絲青可繚閒關好鳥求其曹美人久矣入夢寐笑揮
結綠歌嗚皋憶昔贈我金錯刀欲往報之阻煙濤雲琚月珮
忽相見冰雪一洗心煩勞冤園開尊延旆旄春風淡蕩吹紺
桃觥籌凌亂絲竹動燕笑不知明月高泉陵別駕醉起舞舞
罷遙巡淚如雨感恩自是門下人殺身未報尊前主當年人
棄君獨取英雄未遇多離離劍埋楚國終作龍璞售宋人何
異鼠君不見毛公薛公誰當語風雨感會生毛羽平原之客
徒豪舉

暮春郊外

五日逢休沐千山得勝遊樓臺蕭寺迴花竹習池幽春事已
黃蝶舊盟惟白鷗煙塵奔走地回首意悠悠

次韻贈張子

長安木葉下蕭蕭生客愁夜寒空對酒雲淡獨登樓柳岸橫
長笛花灘放小舟向來江海意淒斷爲清秋

秋日遊迎祥寺至玉泉分韻

迢遞尋蓮宇淹留詠桂枝玉驄穿柳入錦席傍泉移山翠浮
龍苑雲光溢雁池塵心今已淨應有白鷗知

贈別韋評事歸靖江

抗疏甘南謫知君不負丞離情江上樹聚首驛前燈幽谷歌
鳴鳥天池息大鵬扁舟況明月回首夢毘陵

控海樓有懷徐可大

南州徐孺子落筆滿人間江上笑爲別天邊去不還高樓題

控海此日獨看山尙憶危言日投簪且閉關

粵臺懷古

勝地經秦漢高臺近斗牛片雲浮鬱水孤月滿靈洲事往市朝變秋來林壑幽霸圖何足問吾得采眞遊

草堂夜坐

浪迹少城隈衡茅向水開閉門青嶂合卷幔白鷗來地僻清虛洞天高立覽臺坐聞松簫起竟夕思悠哉

全節廟

極目煙塵暗帝畿樓船南去逐斜暉已無虎帳鳴金柝祇有龍潭葬寶衣精衛何時填海滿蒼梧終日見雲飛貞魂若化吳宮燕應是年年一度歸

桂江秋懷借養齋方伯韻奉寄

桂江水高三尺強秋來鴻雁相回翔鳴橈振柁亦何意楓葉
蘆花俱可傷蒼梧望斷粵雲白滄浪歌罷湘煙長會須萬里
去寥廊嗟爾扇羅空自張

羅浮青霞谷贈甘泉

青霞谷中飄紫煙誰其栖者甘泉仙雲邊放鶴啄瑤草雨後
呼龍耕玉田梅花不作翠羽夢薤葉細寫朱雲篇冲虛昨兩
自高枕曉來同話羲皇年

補送孫學士之留都

景陽鐘動散官鴉南院新承北闕麻潞渚夢回燕樹月玉京
吟對蔣陵花山分龍虎曾聞國江足鱣魚莫念家誰道桂坊

成久別仁看鳴珮入承華

彭城懷古

華髮蕭蕭羈旅情片帆衝雨過彭城黃樓此日河聲急赤帝
當年劍氣橫魏闕自生千里草長陵誰薦一杯羹歌風臺下
休回首惟有寒潮訴不平

聞雁

瀟湘水碧莓苔青白雁掠雲時一聲疏燈古壁照蓬鬢江湖
心事秋冥冥

厓山懷古

兩厓形勝自天開奪港猶思卷土來千古海陵遺跡在雲濛
回望重堪哀

讀見素救李空同奏疏偶成

賈誼憂時舊有名楚騷何事不勝情長安宿驚衝人起應是
風波到處生

潞河阻凍戲贈文衡山

閩閩城下浩煙波日日沙頭載酒過垂楊繫艇不知數一紙
黃庭雙白鵝

南歸途中

南旺湖邊沙柳春鵝黃鳧藻相鮮新棹歌歌遍江南曲嫋嫋
輕風吹白蘋

西清詞三首

璧月珠星滿紫壇蓮花齊簇切雲冠瑤池豈必傳青鳥蓬島

惟應集絳鸞

碧殿崕嶸概泰清飄臺時送步虛聲流鈴擲火飛
章地一片雲遮翡翠城

君王轉盼看

張時徹

二十六首

時徹字唯靜鄞人嘉靖癸未進士授南兵部主事改
禮部歷員外郎中出爲江西提學副使歷福建參政
雲南按察使山東河南布政使以僉都御史巡撫四
川改江西入爲南刑部侍郎改兵部進尚書有芝園

定集五十卷

明詩選陳臥子曰司馬樂府頗有造構近體宛倩麗逸如層臺佚女意帶雲霞列朝詩集尙書詩學殖富有工力深重樂府古詩標舉興會時多創獲七言今體塵全蕪穢若出兩手揚用修評其詩云四言以至六言沖澹樸粹沈鬱雄壯匠意鑄詞色具體備七言之什自鄙無譏用修可謂能言矣

甫上齋舊集尙書歸老時尙茂齒精思善撰爲詩古文詞及他說林家言凡數十卷輯洪建以來大家名文爲文範別爲文苑撰郡誌續四明風雅既以標格自持益好士寵薦後輩凡經其門後俱爲名士大夫所執友義重死生始爲進士時有騎馬來定交者曰王檄子揚快士也子揚死爲刻鶴山集豐人翁以落魄死爲刻考功集陳后嗣早歿既刻其集復爲勒石墓門家有別墅在東皋曰茂嶺草堂在西皋曰武陵莊時引上客觴詠其間卽單門年少一經品目藉以揚聲吾鄉士大夫壇壝於斯極盛矣靜志居詩話芝園樂府不規摹古人敷之濟甫覺勝五律頗近初唐

田按芝園詩自以樂府爲勝駢文亦是當家所作豐考功集序情文俱美視貌襲泰漢者不可以道里計

豔歌何嘗行

五解

天有七曜地有四維天有七曜不照汝情地有四維不能制
汝遊行

一解 結髮爲婚嫋琴瑟兩相當樹上有女蘿葉葉自交

山河

二解

池中有鴛鴦箇箇兩相當

樹上有女蘿葉葉自交

柯

三解

食蓼不言苦食鬱不言甘心思所親人過期而不齎

鹽雞處餅益蠶蟲食桃李不得同生亦得同死

五解

子夜歌

二首

乍來結女伴江頭去浣紗間訊郎消息夜來燈燭花

女郎宛轉歌輕舟棹碧波打動明珠碎團圓落芰荷

古別離

春思已無那如何又早秋偏將一片葉飛作萬重愁鳳枕蘭

香細瑤階霜杵柔暗揮雙淚眼一望大刀頭

有所思

清鏡久不御朱鉛那復施忍看雲並雁愁見月穿帷華燈冷
紅豔庭草委芳蕤不及梁間燕雙雙啄紫泥

戰城南

朝戰城南暮戰城北矢若飆飛戟如蛟積晨起裹創血淚沾
臚營中振鈴帳下蓐食城南舉火城北揚旗將軍如虎偏裨
如熊衝堅陷瑕什攻五圍血流野草肉挂枯枝我聞有道四
海寢戈桑乾草青條支不波北欵呼韓南制尉佗魚麗雲屯
被甲則那

關山月

東海冰輸出西川桂影多弓開玄菟郡鏡轉白狼河亂角驚
城鶻清霜照鐵戈胡塵猶未滅戍客奈愁何

江南曲

四首

儂住大江南君家大江北生長不相知江頭見顏色
月白鶯簫細江清龍笛鳴長千里中兒打鼓賽江靈
捕魚橫塘濱舶多不施罟南風忽來吹移舟向前浦
東涯芳杜綠西渚蓮花紅瓊英若可贈徙棹及秋風

嬋娟曲

繆承金屋寵轉爲玉顏傷妾意有何極君恩自不常朝朝占
鳳輦夜夜夢朝阳不惜千金賦能蒙一盼光

寶刀吟

幽并遊狹兒百寶裝吳鉤處囊時電掣出匣有星流空抱層
龍技未逢推較收何嘗承尺檄一爲掃旄頭

青山歌贈蕭封君

青山兮嶠峨綠水兮層波朱鳥兮上下玉樹兮交柯山有人
兮考槃殲玉屑兮弄源浸荷衣兮簪冠紉之兮紫蘭彼簪紉
兮何有徒忍尤兮抑首瞻鳳羽兮高飛棼樹蕙兮盈畝歸來
兮山中鶯白鵠兮驂龍丹邱兮羽人聊與子兮從容

君房下第歸

在在有芳草處處有青山君去與之去君還與之還燕臺空
駿骨漢宮墳朱顏白古有如此沈冥且閉關

離別詩

朝歿共盤匜夕夢貼衾帷肝膽自相照山河誓不違脂車臨
遠道啟匣出裳衣甯知寸心斷還言千里歸

送林民服歸省

大夫懸紫旆相送出江東那忍仙舟去猶憐尊酒同山青建
業雨雲白武夷官繡服承歡處芳蘭滿故叢

龍隱潭

磴險愁筇杖巖開始見天衣裳草宿霧石罅瀉鳴泉四壁松
蘿古孤峰日月偏雲雷時不歇知有白龍眠

邵武道中

明發衝寒露征旗載曉星水穿雲寶白天掩石門青鳥雀爭
陽谷松欒間短亭所嗟筋力薄奔走未遑甯

大王峰次中溪韻

不有風流客那知太上峰盤雲出烏背拂石禮仙容鍾乳流丹壁巖花開紫茸夷猶終永日昏黑尙挾松

自清泉至衛源舟中作

飛鳬將畫舫只傍片雲行本以風波客因舒覽眺情煙凝村店近月上野鐘鳴一曲陽春調停琴待友生

新秋詠懷時在病

芳杜秋風冷瀨舟剝水遲美人在何許遠道本難期皓月臨瓊樹青樓出鳳吹曲中有深怨不奈妬蛾眉

訊東田閉關不出

入林何太密閉戶但窮玄流水在屋外青山落枕邊藥從三

島得方自上池傳勅斷人間世逍遙一睡仙

春日遊茂嶼山莊同諸彥作

蘭舟一出郭步步可憐春沙草不禁綠谿花亦自新煙霞青
竹杖湖海白綸巾總爲疏狂甚豪吟不避人

雨望

高樓不可上一上一添愁落葉亂山暮滄江凍雨秋洩雲寒
抱樹決水曲通洲白髮何爲者空餘一劍留

十四至茂嶼山莊

一自逃空谷長爲山水雄每逢青眼客來伴白頭翁煮茗燒
松葉斟泉引澗虹瑤臺高不極徒倚睇秋空